

石刻史料新編

第三輯

(七)

新文豐出版公司印行

地方類

江蘇省

海州金石志 一卷……

雲台金石新志 一卷……

贛榆金石志 不分卷……

陽羨摩崖紀錄 一卷……

浙江省

浙江碑碣通志 四卷……

杭州金石志 二卷……

杭州金石志 三卷……

唐樓碑碣附志 不分卷……

仁和碑碣志 不分卷……

錢塘金石志 不分卷……

清汪海鼎撰 0 0 1

清徐喬林纂 0 2 7

清張 謇纂 0 4 3

清吳 騫撰 0 4 7

清沈翼機撰 0 5 5

清邵晉涵撰 1 1 1

清李 榕纂 1 4 3

清王 同纂 2 0 5

明沈朝宣撰 2 1 3

清裘 璉撰 2 1 9

2766/14

海寧金石志稿	六卷	清朱錫恩撰	229
海寧碑目志	不分卷	清戰效曾撰	307
餘杭碑碣志	一卷	清朱文藻纂	373
臨安碑碣志	不分卷	清趙民治撰	385
新登金石志	不分卷	民張子榮纂	389
昌化金石志	不分卷	民潘秉哲纂	395
嘉興金石志	一卷	清吳仰賢纂	399
石門金石志	不分卷	清余麗元纂	449
石門金石志	不分卷	清潘文輅撰	457
平湖金石志	一卷	清葉廉鏗纂	467
桐鄉碑碣志	不分卷	清徐志鼎撰	479
桐鄉碑碣志	不分卷	清嚴辰撰	485
吳興金石徵	一卷	明董斯張撰	491
歸安石刻志	不分卷	清嚴經世撰	501
歸安金石略	四卷	清丁寶書纂	505
南潯碑刻志	四卷	清汪日楨撰	549

清汪海鼎撰

海州金石志

金石

錄第二

始皇胸山立石

史記始皇三十五年立石東海上胸界中以爲秦東門

漢書地理志東海郡胸班固自注秦始皇立石海上以

爲東門闕續漢書郡國志胸劉昭注博物記縣東北海

邊植石秦所立之東門鄭樵通志金石略海州有始皇

胸山碑案始皇胸山立石與秦山刻石昔人多混爲一

考劉昭注續漢書郡國志於胸下引博物記於贛榆下

金石錄 嘉慶海州直隸州志卷第二十八

引地道記其文甚明杜佑通典於胸山縣下云漢胸縣

故城在今縣西南秦立石爲東門即此地又案太平寰

宇記云植石廟在胸山縣北四里始皇立石胸界中以

爲秦東門今門石猶有傾倒爲數段在廟北百許步今

尚可識其文曰漢桓帝永壽元年東海相任恭修理此

廟天下碑錄云東海相任恭修海廟於始皇碑背刻文

在胸山其文有口闕倚傾語即謂始皇所立之秦東門

闕也是又立石在胸山之顯證

始皇秦山刻石

續漢書郡國志贛榆劉昭注地道記曰海中去岸百九

十步有秦始皇碑長一丈八尺廣五尺厚八尺三寸一

行十三字湖水至如其上三丈半則三尺見也水經注

游水又東北逕贛榆縣北東爲三海有秦始皇碑在山

上去海一百五十步湖水至如其上三丈去則三尺所

見東北傾石長一丈八尺廣五尺厚三尺八寸一行一



十二字俞延瑞贛榆縣志秦山東趾有屹如突峯者追

視辨爲碑以形勢度之半在水下潮盈則全沒字如斗

籀文略具

漢

王莽泉布二品文曰大泉五十。大布黃千



嘉慶三年海州稽家溝鄉民潛池得巨瓮二發之中實

大泉五十。大布黃千皆滿土花剝蝕古翠可愛案漢書

海州當王莽時徐宣謝祿等破莽將田况海曲呂母亦

聚衆殺縣吏爲用武之地此或避兵燹者之所藏抑或

世祖既興遺黎惡其僭而棄之也考新莽閭位重錢法

錢凡六品布凡十品詳洪遵泉志而遵誤以大布黃千

爲大黃布刀丁傳曰以漢書食貨志及新莽所鑄諸布

數之大黃布刀當作大布橫千旁行讀之文義自顯蓋

莽所鑄布自小布一百起次第而至大布是爲布中之

第十也故名大布其直當千故名橫千黃即橫字古橫

衡二字通詳鄭康成禮注詩箋橫者平也槩乃平五百

衡二字通詳鄭康成禮注詩箋橫者平也槩乃平五百

之類也橫作黃者猶鑿舍卽橫舍颺颺卽橫颺黃乃橫
省可據又橫本讀黃古韻庚陽互通國策合從連橫兵
革不藏楚詞收恢台之孟夏兮然飲條而沈藏葉菸邑
而無色兮枝煩翠而交橫冀州箴更盛更衰載從載橫
漢興定制改列藩王如是者甚多又可證也自泉志至
今皆以新莽自稱黃帝後裔遂順讀家文曰大黃如大
漢大唐之稱博洽如朱謀埠趙宦光亦沿其誤又此是
布非刀而誤千爲刀是未審篆文並不識刀布之分矣
今案漢書食貨志大布長二寸四分重一兩嘉定錢坵
古器款識考同而泉志獨稱長二寸三分重七銖銖字
疑譌又漢志稱王莽居攝更造大錢徑寸二分重十二
銖文曰大錢五十今鄉民所得錢文曰大泉五十與泉
志合又以今官中權度準之大泉五十徑八分重二錢
大布長一寸六分重三錢附志謂王莽斛小而尺短是
也

後漢

張道陵丹經鼎

奇紹傳古胸考略引陳皮務鼎錄謂張道陵在雲臺山
得仙作一鼎寫丹經埋雲臺山下案海州之雲臺其名
始於明之中葉已詳辨於山川考中道陵埋鼎當是保
寧之雲臺今據喬生所錄過而存之附辨以正其誤

東海廟陰

趙明誠金石錄漢東海相桓君海廟碑云惟永壽元年
春正月有漢東海相桓君又云熹平元年夏四月東海
相山陽滿君其餘文字完者尚多大略記修飾祠宇事
而其銘有云浩浩滄海百川之宗知其爲海廟碑也鄭
樵通志金石略東海廟碑漢永壽元年立洪适隸釋子
官京口日將士往來胸山者云海廟一椽不存不復見
此刻矣顧藹吉隸辨案碑永壽元年東海相桓君修飾
殿宇部掾何俊等欲爲鑄石桓君止之熹平元年後相
滿君惜其功績不著乃爲作頌立碑

東海廟碑陰

頌藹吉隸辨一行十七字其文曰闕者秦始皇所立名
之秦東門闕事在史記案碑有云口闕倚傾卽此闕也
天下碑錄云秦始皇碑東海相任恭修理祠於碑背刻
文在胸山此陰是也碑缺任君之名趙氏洪氏皆以爲
惜乃於此得之

隋

王謨題名文曰維大隋開皇三年歲次癸卯四月乙丑朔
十七日使持節上儀同海州諸軍事海州刺史南陽縣開
國侯京兆王謨巡歷至此。因巡來至此賜海看波流自
此一度往何日更回啤

右勒鈞益石壁案王謨隋書無傳隋海州刺史可考者
得房恭懿李亮二人是刻爲開皇三年案房恭懿傳開

皇初授新豐令政為三輔最起授澤州司馬遷為州
馬在職歲餘拜海州刺史是其歷官考績頗聞歲時其
為海州刺史當在王謨之後考隋書百官志總管刺史
加使持節又上儀同為從四品開國侯為正二品王謨
始以總管刺史著功績故勳品較隆歟隋代如樊叔略
以汴州刺史加大將軍安定郡公公孫景茂以息州刺
史加上儀同三司可證也又案開皇三年十一月甲午
罷天下諸郡以州統縣自是刺史名雖存職理一郡而
已是刻為四月尚在未改制以前也

李蓮大雲禪寺碑文曰大雲寺禪院碑銘 并序 天也地

金石錄

卷之三

五

也攝生之謂元造日也月也容光之謂神功然亭育之口
可幹終滅昭明之力未焯昏霧故熱惱積薪劫燒難盡
波巨海沃焦自淵獨有導師空王那宴寂一念首去在
之域加行證無為之階密教內修莊嚴外度雙引相應並
照兩忘然後生無生淨名不去照無照了義能覺熱善提
之炬則荆棘滌除楫般若之航則橫流既濟湛四禮於中
道超三有以上征精舍攸躋度門斯盛其此之謂矣粵有
寺之良背山之前臨有確師禪房者武德八年那守蕭公
諱頌護法之所建也周目環郭澄心際海示既一味寶無
累生夫憑其高宅其勝會近俗諦或乘法流且水出於殊
凡作於聖雖曰醜地猶是道場矧乃妙有孤標寶相靈變

入室室觀我形者設施及貞觀歲有等觀禪師心承
後問分之則別位二事合之則同列大空坐於斯竟於其
於戲四益風驅百為火滅棟宇崩落象設傾低先天中有
志藏禪師聞之斯行居而不仕妙齡強植勁節老成被甲
律儀下帷經藏方丈之室時歷十年筆瓢之殫日常一食
信為法本悟實如宗簡珠圓明紅蓮清淨髮結落亡境
受除生起了於身緣覺被於物是以興補舊塔建置尊容
彌陀當其陽菩薩侍其側四大海水慧眼啓明五須彌山
毫相崇絕有若稽義撫實浴名討因都極樂之大郊壽無
量之景命借如昔者稱贊觀厥首聲克濟斯艱乃復于遠
則有階地超越自在神通發宏願心得大勢用皆所以濡

金石錄

卷之三

六

火宅朝劍輪投地者結業坐開入影者苦趣以息粵若彈
財竭力刻削雕題積三四年模造化意寶殿蔚以雲構金
山嶽其日臨豈徒然哉夫壯麗者將以重威神儀形者將
以攝歸止或離性解脫或見作隨緣藥草寓其根莖雲雷
感其方類即說非說若通不通惟三獸之度河庶一子之
來學禪師以為默則絕教言則牽文苟心事於化人豈迹
留於捨法會議斷石僉允圓功邇來守是邦偶聞茲事依
僧依佛何日忘之在家出家惟其常矣頃者下檄湖海申
明捕殺鱗羽咸若災疫以寧救蟻雖尚於沙彌湖魚每憂
於釋租祁寒則怨童子何知率三省於短懷寄一塵於寶
地別駕宏農楊公守堅宇越石本校鼎貴胄允岳靈直道

守公智印觀法司馬琅琊王公元勗字固禮高闢裴吉皇
士令名資位升開妙意融朗盛矣美矣左之右之時新羅
通禪師五力上乘一門深入利行攝俗德水浮天贊而演
成恭而有述其詞曰覆燾之獎始生終滅昭回之明內昏
外微陰入不斷心起難折靈海慈深洪爐火熱焯彼大師
超然正覺亡境息想示法流渥絕生死岸破煩惱殺度門
光啓住地元邈傳燈三乘分座一義象設儀形莊嚴地位
有爲不染無相能離苟曰法乘莫非種智古者豐石抗之
高山紀事標社銘勳列班廣茲妙有運彼元闢則百伊昔
粵吾無聞

金石錄 鄭樵通志金石略李邕大雲禪寺碑在海州今碑已佚

謹據姚鉉唐文粹所載錄之陳宣州志治東南八十里

有大雲寺朱嘉祐三年開山僧了空建今廢此別一大
雲寺也

李邕孔子顏回贊碑

右見鄭樵通志金石略在海州今碑已佚

鬱林觀東巖壁紀磨崖文曰東海縣鬱林觀東巖壁紀

紀曰惟大唐開元七年歲在己未粵正月庚寅朔時大人

出爲海州司馬禮當巡屬縣問耆疾周覽海甸察聽吐蕃

人無事矣乃迴駕湯想眇矚雲山翠紫翠之所登虬龍之

道益欲徵寔宅吉洗我塵慮巖巖直上宵宵傍遂霧月與

碧海同深寂朝將赤城爭峻代有知而不能至者至而不

能賞者賞而不能窮者亟問我東海縣宰河甫元公光發

幽躡起子泉石締思騰際瀾形勝遂披叢篁巖崩壁懸

流散水藏宿雨而時來臥石埋雲觸搖風而不散歷時花

木紅紫無名入聽笙簧宮商自合因可爲真人之別節元

始之離宮哉夫登會稽探禹穴慕古長想復何奇乎豈如

志在魏闕心遊江海兩志出處雙遣是非惟元公得之矣

攀賞未極列壑生陰促駕言旋攢拳擁騎家君頤而曰

爾知遊名山勒銘紀者非思入上元道存虛白亦何能造

次不遠而爲之吾少事雲林長牽塵迹晚齡心事盡於巖

間小子誌之貽夫來者其列座同志次而鐫諸司馬男

清河崔逸文朝議郎行海州司馬崔惟悻字踐直朝議

郎行東海縣令元曖字微明丞閭朝賓主簿孫克友尉荷

拉筋尉上官崇素司兵寶晏

右崔逸文八分書三十一行行十七字字徑三寸勒故

鬱林觀東巖石壁吳玉指金石存云唐東海縣鬱林觀

東巖壁紀海州司馬崔惟悻男崔逸撰不著書人名氏

或亦逸筆也今在海州鬱洲山之麓境地幽僻人跡罕

至歲久蘚蝕椎拓絕少子宗人鹿南僑居東海嘗因游

屐所至獲見是刻掃滌塵翳手錄其文以歸知余篤嗜

分隸亟爲余言余德憑搦之因又言此刻之外尚有宋

蘇唐卿篆書石曼卿草書竝刻巖間藤蔓蒂蒂封頽難識

認予聞之興益勃發戊午冬日重錄金石文將畢以不

得致此數碑為憾因作一詩促之明年正月乃先寄墓
 本碑予入錄將覓善工徧搨諸刻以飭余志余案趙氏
 金石錄目嘗載是記特未及跋尾是此刻曾一入歸來
 堂中但自趙氏而外迄今絕無知者海上居人如蟻四
 方游鬱洲者歲不下數千人亦竟莫知山下之有此刻
 若非麗南之冥探窮搜將益湮沒不復可見而適以益
 予之不足則尤為可幸也鬱林觀今已不存山左右數
 里居民希少且山高聳必架木緣絙然後推拓可旗
 亦大未易事今案趙氏金石錄引此刻誤作崔文選顧
 乾雲臺山志又誤以孫克友為孫亨友吳桓宣雲臺山
 志又誤改記中代有知而不能至之代為殆今據石刻

金石錄 蘇州府志卷之十一 九

改正

廬紹題名文曰海州刺史賜緋魚袋廬紹軍事判官前左
 領侍衛倉曹參軍口口前軍事判官前太子通事舍人王
 旬·大中十二年正月十七日全登
 右刻廣三尺二寸長二尺五寸文八行行八字字徑三
 寸真書勒白虎山石壁

宋

海清寺塔柳辭記碣文曰維天聖元年歲次癸亥十月辛
 酉朔八日戊辰建塔都維那柳繼化同會弟子史玩劉
 仁製郭忻宋晟許志牛智孫琛徐景王肅正韓縉王進劉
 岳劉巨滔劉朝新入林澤柳已上各備小麥一石米五

斗油三觔錢乙百文足潘靖柳遇柳惠柳逸口口口徐景
 徐訖相餘慶相典等兩家共備小麥一石油三觔米五斗
 錢乙百文足修設感聖恩起塔大棗一十三會再會轉化
 千名赴業施主每名錢一伯文足添典釋迦真身舍利阿
 育于靈牙寶塔竊以此塔鎮在海城靈基山東南角大店
 第二之尊上觀似從天降下迴徹清霄下看似從地湧成
 寶堂連海求相而千花撩遮告佛而万瑞分明宿菓等个
 代遭逢同會者却未近佛感得皇王萬歲四塞安寧郡宰
 千秋庶民康泰積記標鵠永為不朽者書記俗士牛景寫
 碑俗士牛道寧同建塔助緣僧海清宗口德長宗口文忠
 宗誦道圓慶珙功德主僧宗傳造塔都料泗水成守元鶴

金石錄 蘇州府志卷之十一 十

右兩在塔內西壁長約二尺文十九行僅闕數字蓋塔
 成而為施捨修齋之記也中間齊作篆緣繞作捺遠萬
 作萬皆當時俗字所稱宿菓義不可曉

海清寺塔札會記碣文曰南瞻部洲大宋國海州東海縣
 造塔維那柳繼伏為建造阿育王真身舍利寶塔將發願
 心札會縣界

右碣似募傍嵌塔內東壁廣三寸長尺許文二行未載
 年月案建塔在天聖元年則此榜必落成時同勒石者
 海清寺塔盛延德等記碣文曰府山縣西山東保上林
 施主盛延德與闔家眷屬等謹捨淨財壹百貫文口於東
 海縣海清寺舍利塔上同添修建同付勝刊上祝皇帝

太后萬歲重臣千秋文武官寮保安祿位次頌延德闔家
眷屬等朝納百祥常逢善友謹錄眷屬題名如後。盛延
德男忠信次男忠恕亡過妻解氏三娘妻劉氏一娘。男
婦魏氏三娘井氏八娘次男婦張氏一娘女二姑三姑孫
女不採右件眷屬等謹具題錄如前口石爲紀以陳不朽
之道更望先亡久遠不口口塗苦早登菩提之彼岸時皇
宋天聖三年十一月十八日記沛國子朱湘書長安鄧文
吉鶴。奉化界弟子曾榮眷屬等天聖二年正月內設供
僧八伯五十人天聖三年設供僧九百人天聖五年設供
僧一伯人共計壹千八百五十八人天聖五年四月十日記
右二記在塔內東壁同刻一石石高尺廣倍之前記十

海清寺塔碑文卷之七

北

七行真書後記四行行書

海清寺塔縣令蘇可久等記碣文曰東海知縣碑記。朝
散大夫行東海縣令蘇可久捨鈴一口軹七百三十三口
資薦亡妣亡父妻蔡氏捨軹一百五十口追薦亡妣亡父
捨鈴一口追薦亡男二郎長女蘇氏三娘捨鈴二口保扶
父母將仕郎守東海縣尉兼主簿事王淳竝妻劉氏共捨
鈴二口大軹三百口天聖六載歲次壬辰六月一日題記
手分倪文忠書

右碣嵌塔內西陽壁高二尺許額曰東海知縣碑記六
字三行文十一行並真書案記內題名先妣而後父幼
高而長卑當非知縣縣尉所記蓋委諸手分倪文忠書

而刻之手分不知何等人

海清寺塔單和記碣文曰南贍部州大宋國海州懷仁縣
東南保新興村清信弟子單和竝合家眷屬等共發宏心
捨錢壹伯千口口口貫足同修東海舍利塔第一給今合
家有名者單和亡妻許氏六娘妻趙氏一娘男文習男文
政男文志男文贍婦陸氏八娘趙氏三娘林氏四娘楊氏
二娘孫男仁美仁貴仁安仁順仁福口口鄭留荷屎謝蔣
孫男鄭氏三娘管氏四娘臧氏一娘張氏四娘蔣氏二娘
孫男王公巧哥年天聖十年正月口日記

金石錄

海清寺塔碑文卷之七

七

右碣在塔內東壁文十行額間尚存倒書八九字結體
酷似聖教序蓋前代碑版爲宋人磨滅倒刻此記殊可
惜也文中驢作駟級作給亦爲乖迕

懷珪題名文曰懷珪記

右刻在鷹遊山文剝蝕不具案海清寺塔天聖元年碣
有懷珪名當是一人故附於此
祖無擇三言詩刻文曰清原王公衮君章武功蘇唐卿致
堯范陽祖無擇擇之。起驚濤放溟渤披宿莽履屨喘喘
盤石解簪敬挹飛泉醒心骨揮高論謝俗物思古人自終
日足飲酬清思逸即絕壁試奇筆千萬年蒼苔沒後有人
爲吾拂。宋慶歷甲申歲秋七月辛卯朔擇之文致堯筆
若刻

右文十二行行七字字徑八寸篆書勒鬱林觀中殿下

大石東面吳王瘞金石存云此刻在開元七年崔逸東壁記之側歲月久遠苔蘚侵蝕人莫能識且巖石高險難于推拓故世遂絕少傳本予廣搜古今墨搨垂二十年宗人麗南始以告予柳洲僻在海墻非宦遊孔道故博雅好古之士皆不得一躡屣其地而居其旁者多樵夫牧豎縱日過其下又漫不省為何物故三君之名雖與山石並永然雨淋日炙蓬埋蔽翳亦幾與未嘗鐫勒者等子既獲見亟錄一通緝入古今篆刻之次雖未必能如昌黎之於响嘷石鼓歐陽子之於庶子泉銘一經揚扞奕世不泯倘得藉三公之靈使予之綴集賴以不朽或亦終不至湮沒失傳耳

金石錄 蘇州刺史卷第五 五

蔣之奇題名文曰蔣之奇來觀海 壬子

右刻在龍洞內行書為野宿者所殘故其文不全蔣之奇字穎叔宜興人嘉祐二年進士哲宗朝累擢翰林學士徽宗朝拜同知樞密院事除觀文殿學士出知杭州提舉靈隱觀卒入黨籍著有月陽集其詩頗為周輝清波雜誌范成大吳郡志徐神翁語錄所引是刻在王子當為熙寧五年刻苦別蘇節角僅存彌足寶也

王華曜題名文曰王華曜守東武由响山太守呂望之率王碩父黃天倪觀東海于龍興山之乘槎亭飲于仰止亭元祐四年三月四日

右刻廣二尺高一尺文九行行五字字徑一寸行書勒

龍洞石下方篆東坡年譜和陳海州乘槎亭在熙寧七年距元祐四年之前十二年故不得陳海州名然向來注坡集及張宛邱乘槎亭詩皆不知亭所在今於此刻得之亦一快事

游龍興山寺題名

右刻在龍洞石上方篆書廣二尺高二尺五寸文五行行六字字徑三寸前三行為明安鈍題名所掩第二行僅存一丁字第三行僅存一握字第四五行猶全有佈滿損之遊龍興山寺九字案龍興山之名見於王華曜題名疑亦元祐時刻篆法清挺殘毀可惜

金石錄 蘇州刺史卷第五 五

渠丘于宰監酒稅頴川杜開建中靖國元年重九日

右刻廣二尺七寸長二尺二寸文七行行五字字徑一寸真書勒白虎山石壁

余授張勵題名文曰莆陽余授傳師長樂張勵深道建中靖國元年十月八日同遊

右刻廣二尺高二尺七寸文四行行六字字徑四寸真書勒孔望山龍洞上石壁

楊公持題名文曰鄭圃楊公持公承東胸譚亭父同遊大觀丁亥

右文三行共十八字字徑三寸真書勒石延年詩刻後石延年詩刻文曰上躡師子石下有漣纓泉石岸對鑄磨

唐宋西二賢大暑日不到銀河傾九天花氣曉熏谷香水
如佩懸坐久捐埃塵冠弁斯冷然。石曼卿賦此詩狀此
景窮寫勝槩曲盡其情而無石刻以爲之紀好事者記於
州之永安寺壁慮其歲月深遠頽毀不存今刊於此以永
其傳蓋將託是詩以不朽焉丁亥十月譚亨甫題

右文五行十字後譚亨甫題六行行十二字字徑二

寸五分真書勒故鬱林觀東巖下大石南面案曼卿詩

刻宜列余授前因磨崖爲大觀丁亥該列於此

田升之題名文曰蘇子駿王舜文王仲舉孫少魏同遊六

觀庚寅閏八月十二日田升之書

右文六行字徑三寸真書勒龍洞石壁

石壁

蘇東坡集卷第十

五

田升之題名文曰路分王舜文鈴轄趙彥明通判傅顯道

縣宰問丘君澤教授李夫泰判官向持正推官呂永甫同

來政和元年八月九日郡守田升之題

右文七行字徑三寸真書勒孔望山西巖石壁

劉居實題名文曰通判海州劉居實德充案行屬部過妙

雲觀登師子崑至鬱林觀少息投宿海清宮重和二年仲

春十有一日

右文五行字徑三寸行書勒故鬱林觀石壁在宋四士

題名後案是年十一月改元宣和故仲春猶稱重和

張叔夜題名文曰徽猷閣待制知州事張叔夜淮東兵馬

都統孫前兵馬鈴轄趙子莊兵馬鈴轄趙令恣前胸

山令肉質司刑曹王治懷仁主簿蔣全權胸山尉王大猷
宣和庚子重陽日全登。缺五字書

右刻廣六尺長四尺二寸文十行行七字字徑四寸五

分真書勒白虎山石壁案宋史叔夜平淮南盜宋江等

爲宣和三年是刻在庚子爲宣和二年此時淮海多警

猶能率僚屬登高題名可謂好整以暇矣

曾孝蘊題名文曰曾孝蘊蔣珠周何田望紹興丙子正月

來游

右刻廣二尺高一尺五寸文五行前三行行三字字徑

四寸後二行行四字字徑二寸半真書在龍洞側案丙

子爲紹興二十六年金海陵正隆元年考宋史地理志

石壁

蘇東坡集卷第十

六

海州紹興九年復隆興初割以界金然以本紀及列傳

互考之紹興十一年張俊以海州在淮北恐爲金人所

得命毀其城遷其民三十一年魏勝復海州是中開二

十年海州非宋有也又金史正隆初東海縣人徐元張

匪作亂五年六月東海平是時上距丙子祇三四年則

曾孝蘊等題名時海州屬金明甚孝蘊等於史無考題

名用紹興紀年殆宋之文士繫心南朝者歟

適野亭記文曰適野亭記。宋提督京東路水陸軍馬

榮撰。將之臨邊謀敵國也必曰境土復而兵罷侵疆

馬其邪神州赤縣厥今安在是固擁龜隸總水中龍虎

其宜蚤夜相與以謀焉可也乃燕閒游息之地必當

以寫其忠義之狀則遊野亭其志矣惟亭因山薙草而有
 神于國之大事夫豈為登山懷遠飲酒高會謂從軍之樂
 欲遊海而南也哉此為捲黃脰兼曲阜清敵塵於海岱之
 閒以稱夫職分當然之寄者已知此則茅茨之下亦籌邊
 之所也高平侯志在於是而其從事李庚遂名之此耳嗣
 事者幸無媿鄙昔有宋隆興二年秋八月二十有三日記
 右在鳳凰山麓案記中所稱高平侯考宋史隆興元年
 詔以鎮江御前同統制魏全守海州以時考之疑即魏
 全此記撰於隆興二年八月考宋史是年七月金人索
 海泗唐鄧四州地宋遣盧仲賢報之仲賢至宿州布薩
 忠義懼之以威仲賢惶恐以忠義遺三省樞密院書來

金石錄 嘉慶海州直隸州志卷之六 七

張杅秦仲賢辱國八月胡銓上書言海泗今之藩籬咽
 喉也彼得海泗且決吾藩籬以瞰吾室扼吾咽喉以割
 吾命據此則是時處場多事非燕閒游息時記中言亭
 因山薙草又言茅茨之下亦籌邊之所其志可知案是
 年十月魏杞如金許判四州則所謂捲黃脰兼曲阜清
 敵塵於海岱之間者亦為虛語矣又案名此亭者為從
 事李庚考紹興十二年進士有李庚字長子臨海人歷
 官監察御史知袁州有集號論擬符自紹興十二年至
 隆興二年已二十二年不應仍為募職此或別一李庚
 也

東題名文曰淳祐壬子仲秋上弦郡守漢中趙東明叔

郡丞北海王瑀君玉遊海而東巡歷至此訪臺澎之遺跡
 玩扶桑之朝暾剝苔讀詩慷慨弔古臨風乘筆聊以紀歲
 月云省客蒲纓口植立甫三山陳贊楚客古苔劉津濟川
 北海周國華實夫長子且次興孫

右勒鈞臺側案壬子為宋理宗淳祐十二年元憲宗二
 年趙東王瑀等俱無考宋理宗紀淳祐四年知海州者
 為周岱趙東其繼當者歟是時當李全于忙兒弄兵之
 後猶能剝苔讀詩具此勝情又元憲宗紀三年二月攻
 海州成將王國昌逆戰於城下敗之獲都統一人距趙
 東題名時纔七月未知東在行開否史文不具莫能考
 也因歎士大夫受命嚴疆或雅歌服人或清談誤國固

金石錄 嘉慶海州直隸州志卷之六 八

未可同年語矣
 九洪橋碑。景定四年十二月十六日安撫使張漢英撰
 右碑在海州石湫鎮前明嘉靖中張舉撰州志謂石刻
 俱存今不可考矣姑著其目於此

景定殘歌文曰口定口年張安撫下缺
 右歌於海州官廨後瓦礫中得之案宋史理宗紀景定
 三年詔知海州張漢英帶行邊郡刺吏馬步軍副總管
 帶行環衛官所置張安撫當即漢英疑景定中歌也
 宋四士題石文曰宋四士嘗登山。石林虞仲子水石草
 堂道人無礙居士芝臺翁

右刻前一行六字篆書字如二寸長三寸後四人每一

人為一行行書字徑五寸勒巒林觀東壁唐隸後漢題
名無年月篆書宋四士嘗登山蓋在金元開宋之遺民
所題故隱其姓名篆法古勁行書亦佳

石林虞仲子題名

右刻只石林虞仲子五字行書與前刻筆法相似但差
小耳勒東壁下石面橫書

亢之等題名文曰亢之同來·祖賦·同遊

右刻三行亢之同來為一行祖賦為一行同遊為一行
字徑三寸半行書勒石林虞仲子題名東石面上篆書
法亦與前刻相類雖別一石若遙相應但石堅刻深全
無剝泐不知祖賦下何以空而不書也

金石錄 卷之六 七

歸雲洞題勒文曰歸雲洞·壬午秋七月·餘姚仰鼻邵

瑞辰書

右歸雲洞三字作篆隸書題款竝真書勒龍洞石壁邵
瑞辰無考此刻古落剝蝕疑亦未刻

忠玉題名文曰忠玉遊

右刻龍洞內石壁上方結體頗似山谷疑亦未刻也

金

審蟠題名文曰縣令洪水審蟠伯升父蒼梧厚真子正彭
鑄壽元陳汝霖濟聊僧普照德誠行深同遊介待父縣令
偕行大定甲午夏四月十有五日

右勒釣臺側篆甲午為金世宗大定十四年宋孝宗淳

熙元年是時海州屬金考金史地理志海州有胸山巖
榆東海連水沐陽五縣審蟠題名在釣臺始東海縣令

賦

新設山路記石刻文曰新設山路記·今為□□□山下

不平故難行行□□但□就直行往往未得□□同□城

北營忠顯徒單所魯□千戶□蒲察乞德謀克下徒單兀

惹百戶所修石湫橋功德主□福照同妻□□城北開副

功德主秦正興□心緣仇祖印城北門□忠蒲察善友福

口敦武阿魯母謀克孺子李善友福□忙利敦武芳魯赤

花克□蒲察□□忠顯蒲魯□百戶妻善友忙利□□南

營修武校尉溫迪痕王家□□敦武校尉蒲察□木魯

謀克□□滿福朗□義尉為古路□海□□下蒲察福敦

武校尉號□木不□□□女善友蒲察福通明昌二年春

三月日筆

右文十九行行十二字字徑一寸五分真書勒胸山南
巖石上謹案

巖石上謹案

欽定金史國語解蒲察當作富察溫迪痕當作溫特赫謀克當

作穆昆

五龍聖泉題勒文曰五龍聖泉·永安二年·襲封千戶

下缺

右在大駝村溫水河側

趙福題名文曰戶部員外郎趙福那佐溫迪罕安仕郡

元祐元承安五季三月初一日全登

右刻廣三尺二寸長一尺八寸文八行行四字字徑三寸真篆 柏虎山石壁謹案溫迪罕當作溫特赫

詳文曰海寧州重建廟學記。承務

司經歷分辦官李居仁書丹奉議大

廉訪司事珊竹拔展篆額。學校

序曰庠其名雖殊所以為教一也

道從遊三千連竹七十著書立

下祀之以至國郡郡邑皆置學

聖元混一區宇假武修文悉

非

為樂土 公承紹書孔子之道垂憲萬世有

國者所 六德十一年渙頒詔旨追封大成之號先

孔子而聖者非孔子無以明後孔子而聖者非孔子無以

法所謂祖述堯舜憲章文武儀範百王師表萬世者也至

大辛亥四月金臺魏公奉天子命來牧是州至謁先聖廟

肅拜庭下仰瞻殿宇虞馮將歷慨然自任曰自古盛時化

民成俗必由乎學容可一日闢諸此而可闢為政之道果

有大於此者乎還而謀之公希素虛學廩赤立山是第級

捐俸期於有成備戶市民驟然率貸相助公迺召匠擇材

指授心搆撤舊更新物物為耐久計每日工役郡政公暇

必親臨而點視之諸匠食川官吏樂聞各山陔以供給之

舊基陟陝隘今則充拓而有尺度焉大成殿廂圯今則增

崇而新輪奐馮經始於壬子之冬落成癸丑之夏 缺五字

先聖顏孟十哲後先是戟門在泮池之南今遷於池北與

兩廡接又况兩廡講堂俱各損漏皆重加修理而併新之

凡 缺二字 中統計鈔貳百定有奇米斗計者餘五百而增

修瓦木之直不與皆公不擾而辦者也講堂之前儲有餘

地亦皆預為規度起蓋齋舍不無望於嗣而葺之者郡之

士庶諗於師道曰公所至之處具有政績尤能以學校為

重而起廢興新以聖道為尊而敦教厲俗可謂知治之本

矣為士者盍亦因是而思之海寧孔殿昔之廢也如彼今

之興也如此信有關於氣數豈偶然哉僉曰魏侯伯仲偉

金石錄 海寧州志卷第五 三

公行無忝也託之空言不如勒之金石俾來遊來歌者洋

洋焉動其心裝裝焉 缺五字 揖遜者有其儀講明肄習者

有其地采芹藻之香樂菁莪之秀庶不負公之盛意豈不

踴歎師道曰然謹書。皇慶二年七月望日記。海寧州

儒學學正李師道議海寧州東目王國安忠翊校尉淮安

路海寧州判官孫夏佐奉議大夫淮安路海寧州知州兼

勸農事提調學校官魏榮

右碑連額高五尺三寸廣二尺六寸篆額四行行二字

字徑四寸文十八行行四十七字字徑九分真書在今

海寧州重建廟學記碑陰文曰碑陰之記。海寧昔號

境實爲用武之地皇元一統文治方新而承流宣化最難
 其人今郡侯魏奉議下車首詣廟學觀其殿宇損弊將有
 不堪奠謁之憂願割已俸爲倡重新建造以久其規由是
 各官府暨僚使以至儒戶市民交孚羣然齎助甫一載廟
 貌鼎新孰不銘心感德而相謂曰會百川而成海之大積
 卷石以致山之高於以知太守中流砥柱之功於以見諸
 公推波助瀾之力師道濫膺省命師正州庠深愧不才祈
 遜盛事前已記夫歲月茲復列其姓名刻之碑陰用傳不
 朽高郵李師道敬書·元注疏金·海寧州知州魏奉議
 同知馮承務判官孫忠翊吏目葛良前胸山縣達魯花赤
 沙的主簿程將仕典史潘遐沐陽縣達魯花赤進義縣尹
 孫忠翊縣尉塔海典史陶榮文管勾贛榆縣達魯花赤小
 云失不花承事主簿馮將仕王縣尉飯浦場司令孟敦武
 臨洪場司令宛承事司丞宋將仕土管勾鹽運甯淵堯濱
 浦場司令潘承事司丞萬進義文管勾徐慎浦場司令田
 忠翊司丞楊進義王管勾前任蔡司令淮安路胸山縣儒
 學教諭游濬州司吏蔡滋張瑛彭克溫王基業廷琇陳銓
 王榮縣司吏徐秀郁文達李良孫誠徐禮薛應祥淮安路
 贛榆縣儒學教諭徐仁溥州學吏尹大民齋長吳國寶唐
 文秀劉繼善楊燧吳珪劉通關逢春唐文政儒戶陳君謀
 劉文彬尹耕莘孫綽王汝弼吳國器王國寧徐仁美夏毅
 文舉朱大民馮延訓朱克明郝子震許天祐王元節錢鎮

夏恭趙桂吳聚李大川楊鼎口子春王英才丁應炳沈友
 實劉器徐國祥時繼良劉澄徐讓王彤劉宗綽劉峻滕國
 瑞王文簡趙榮陸得新張應綱顏復禮尹士衡卞岩劉起
 宗康寧林森吉慶王君許文英馮進源王論卜元吉周子
 才季應祥牛楷陳烈彭裕史勝唐春邱成孫起宗王從政
 倪與雄市民周忠信王信周士傑徐安錢昇許璋朱紹魏
 福朱榮徐文·上梁助金·海寧州知州魏奉議海寧安
 東州分鎮萬戶魏昭信千戶劉忠翊達魯花赤帖木兒不
 花昭信胸山縣達魯花赤教化的忠顯劉縣尉典史張景
 三縣吏書助俸米四個月臨洪場司令苑承事司丞趙將
 仕王管勾胸山徐秀李良孫誠郁文達巡尉司鄭恭稅務
 官趙提領高大使張副使徐禮贛榆口椿積倉官范淵孫
 榮盧文炳戴奎沐陽王岳周士貴王鎮劉泓巡尉司盧巽
 打捕提領王欽顏克仁黃慶歸中官醫提領所郭管勾許
 顯祖耆老孟志才楊文質馬成贛榆王廷瑞楊得顏潤李
 元巡尉司王開馬麟諸匠王贊唐世泉王斌木匠都作頭
 趙斌朱興沐陽張峪贛榆馬英垣匠作頭姜興沐陽施登
 贛榆石堅石匠作頭劉澤李仙王永
 右碑陰額四字二行八分書字徑三寸文三十二行真
 書記中所稱魏奉議蓋魏榮本奉議大夫階也所稱承
 務忠翊將仕管勾司令司丞州司吏縣司吏學吏儒戶
 巡尉官稅務官提領大使副使打捕提領官醫提領所